


26919  
=19

廿九



資治通鑑節要續編卷之二十



宋紀附金

寧宗皇帝下

辛未四年

金大安三年夏神宗遵  
項光定元年元太祖六

年春正月叙州蠻攻陷利店砦○三月

臨安府大火○西域哈兒鹿部降于元

○夏四月元侵金金使粘合打乞和

元主不許先是金納合買住鎮守北鄙

知元將侵邊壤奔告于金主金主曰彼

元侵金

於我無釁。汝何言此。買住曰。近見其鄰部附從。西夏獻女。而造箭製楯不休。凡行營則令男子乘車。蓋欲息馬力也。非圖我而何。金主以其擅生邊隙。囚之。及元侵擾雲中九原。連歲不休。遂破大水礫。以進金主始恐。乃釋買住之囚。而遣北路招討使粘合合打乞和。金命其平章政事獨吉千家奴參知政事。完顏胡沙行省事于撫州。西京留守紇石烈

胡沙虎行樞密院事。以備邊。

胡沙虎即執中阿疎

裔孫也

○六月。余礫如金

不至而復

賀辰也

金有元之難不至而還。自是宋使多不能達。而金使則不廢常禮。

○秋

八月

夏主安全卒。族子遵頊立。

○

金獨

吉千家奴。完顏胡沙禦元于灰河。紇石

烈。胡沙虎遁還。金師遂敗績。元遂取大

同府。桓撫州及西北州。縣。時千家奴。胡

沙至烏沙堡。未及設備。元兵奄至。攻烏

月營取之。千家奴帥衆禦于灰河。相持

金兵禦元敗績

三日元主率精騎三千至安定之北。胡沙虎即以麾下勁卒七千遁去。於是千家奴等兵皆敗走。元追至翠屏口。金師又敗。元遂取西京及桓撫州。元主復遣其大太子朮赤、二太子察哈牙、三太子幹可牙後為太宗帥兵分取雲內、東勝、武朔、豐靖等州。由是金德興、弘州、昌平、懷來、縉山、豐潤、密雲、撫寧、集寧、東過平灤、南至清滄。由臨潢過遼河西南至忻代。皆

金諸州降元

元兵入金居庸關

降于元。○閏九月金完顏胡沙帥師南還。元追之。金師潰于會河堡。元入居庸關而去。先是元自撫州進攻奉聖州。破之。遂至野狐嶺。時金招討使完顏九斤監軍完顏萬家奴等率兵號四十萬。駐于嶺下。元兵至。或謂九斤曰。元新破撫州。方以所獲賜其下。馬牧于野。當乘其不虞。掩擊之。九斤曰。此危道也。不若馬步俱進。為計萬全。元主聞之。進兵于攏

兒觜九斤遣明安問元舉兵之故。明安反降于元。以虛實告之。元主遂與九斤等戰。金師大敗。死者不可勝計。元乘銳而前。胡沙畏其鋒。不敢拒戰。退走宣平縣中。土豪請為前鋒。胡沙不能用。但問此去宣平間道而已。土豪嗤之曰。溪澗曲折。我輩諳知之。行省不知用地利力戰。乃謀走也。今敗矣。胡沙不從。引兵南行。元兵踵擊之。至會河川。金兵大潰。胡

詔江淮  
謹邊備

沙僅以身免。走入宣平。元兵乘勝薄宣平。遂克晉安縣。遊兵至居庸關。守將完顏福壽棄關遁。元兵克之。金中都戒嚴。禁男子不得輒出城。元遊奕至都城下。金主欲南奔汴。會衛卒自誓迎戰。元兵敗而去。金主乃止。命秦州刺史木虎高琪屯門外。○冬十月。詔江淮京湖四川謹飭邊備。以金有元之難也。○十一月。金以徒單鎰為右丞相。鎰初為上京留

金徒單  
鎰諫守  
遼東

守聞元兵日攻西北。上言曰。自國家與  
達旦交兵以來。彼聚而行。我散而守。以  
聚攻。散其敗必然。不若入保大城。併力  
備禦。昌桓撫三州。素號富實。人皆健勇。  
可內徙之。以益兵勢。人畜財貨。不至亡  
失。參政梁瑄曰。如此。是自蹙境土也。金  
主從瑄謀。及桓昌撫沒于元。金主始悔  
之。中都戒嚴。鎰聞之曰。事急矣。乃選兵  
二萬。遣同知烏古孫兀屯將之入衛。金

金將士  
不用命

主嘉之。徵拜右相。鎰至。奏曰。遼東根本。  
距中都數千里。萬一受兵。州府顧望。必  
須報可。誤事多矣。可遣大臣行省以鎮  
之。金主不悅曰。無故置行省。徒搖人心  
耳。不從。○金紇石烈胡沙虎至燕。以為  
右副元帥。帥師次于媯川。○金獨吉千  
家奴免。貶完顏胡沙為咸平路兵馬總  
管。灰河會河之敗也。金之精銳皆盡。衆  
謂二帥必誅。及千家奴止除名。而胡沙

降官。由是將士不用命矣。○**金**益都盜

楊安兒寇掠山東州縣

**壬申**五年。金崇寧元年。○元太祖七年。夏光定二年。春

正月。賜李好義謚忠壯。以誅吳曦功也。○三月。

**夏**人寇**金**葭州。乘其有元之難也。○**金**

紇石烈胡沙虎有罪。放歸田里。胡沙虎欲移屯

南口。上言曰。達旦兵來。必不能支。一身不足。惜三千兵為可憂。十二關建春萬

寧宮且不保。金主惡其言。○**元**取**金**宣

下有司按問。數其十五罪。平府**元**主既克宣平。遂攻德興府。坎墉

元取金宣平府

而登**金**人禦之。元兵大敗。元主與赤駒

駙馬復擁楯以登而射之。金人潰。元主

始得脫身走。四太子拖雷後為睿宗因盡取

德興府境內諸城堡而去。○**金**人復守之

○**夏**五月。安南國王李龍翰卒。子昊昆

嗣。昊昆尋卒無子。其壻陳日熒遂主國

事。昊昆卒無子。以女昭聖主國。李氏自

公蘊八傳。凡二百二十餘年而亡。○**金**

以空名敕牒募人買之。○**金**河東陝西

安南陳日熒襲位

大饑

斗米錢數千。流莩滿野。

○**金**

泰安盜劉二祖

寇掠淄沂州

○秋

七月雷雨太廟屋壞

冬十一月日南至祀天地于圜丘大赦

○**癸酉**

六年

金至寧元年九月以後宣宗  
珣貞祐元年○夏光定三年

○元

太祖八年

春正月宇文紹節卒

○三月

樓鑰罷

○夏

四月以章良能參知政事

○五月

○**金**

復以紇石烈胡沙虎為右副

元帥帥師次于城北

○夏

人寇

○**金**

保安

州慶陽府

○**金**

完顏綱及

○**元**

戰于縉山

金與元戰敗績

○**金**

師敗績時元帥右監軍朮虎高琪屯

縉山以備邊善撫士卒皆樂為用及元

兵將至左丞完顏綱行省事于縉山徒

單鎰曰高琪在彼行省不必自往也若

益兵助之彼之功即公之功矣綱不從

果大敗敵勢益張

○秋

八月

○**金**

胡沙虎

弒其主永濟九月昇王珣立以胡沙虎

為太師尚書令都元帥封澤王先是胡

沙虎矯詔以誅反者招治中福海執而

金人弒其主

太廟屋壞



立金宣宗

殺之。奪其兵。乃自通玄門入。殺知大興府徒單南平。刑部侍郎徒單沒撚於廣陽門。福海男符寶。鄴陽都統完顏石古。乃率衆拒戰。死之。胡沙虎入宮。盡以其黨易宿衛。自稱監國都元帥。以兵逼金主出宮。乘素車至衛邸。錮守之。尚宮左夫人鄭氏為內職。掌寶璽。胡沙虎欲除拜其黨。遣黃門入收璽。鄭氏曰。璽天子所用。胡沙虎人臣。取將何為。黃門曰。今

金妃鄭氏守節

天時大變。主上猶且不保。况璽乎。御侍當思自脫計。鄭氏厲聲罵曰。若輩宮中近侍。恩遇尤隆。君難不以死報之。反為逆豎奪璽耶。我死可必。璽不可得也。遂瞑目不語。黃門乃還。胡沙虎復遣人奪取宣命之寶。除拜百餘人。丞相徒單鑑。時以墮馬傷足在告。聞難作。命駕入省。或告之曰。省府皆以軍士守之。不可入矣。少頃。兵士索人於閭巷。鑑乃還第。胡

沙虎欲僭位。猶豫不決。以鎰人望。乃詣訪之。鎰曰。昇王。章宗之兄。顯宗長子。衆望所屬。元帥決策立之。萬世之功也。胡沙虎然之。乃遣宦者李思中弑金主於邸。誘完顏綱還而殺之。因盡撤沿邊諸軍赴中都。遣使迎昇王珣于彰德。○**元**使乙里只如**金**議和。且請昏也。○**金**以徒單鎰為左丞相。○閏月**金**主立其子守忠為太子。○**金**追廢其主永濟為東

金與元  
戰敗績

海郡侯。○冬十月**元**復使乙里只如**金**○**金**术虎高琪及**元**戰于燕城北。○**金**師敗績。○**元**遂圍中都。時**元**主兵至懷來鎮。术虎高琪拒之。敗績。僵尸四十餘里。○**元**主乘勝至古北口。留可忒薄察等帥軍守之。而自以衆趨居庸關。○**金**人堅壁拒之。○**元**主不得入。乃別帥兵趨紫荆口。距中都二百里。胡沙虎欲誘之。使南至涿易。聚兵擊之。○**元**主攻破涿易。至皂河之

元太祖  
圍燕京

內欲渡橋。胡沙虎方病足。乘車督戰。**元**  
兵大敗。翌日再戰。胡沙虎創甚不能出。  
期高琪以亂軍五千拒之。高琪失期不  
至。胡沙虎欲斬之。金主以其有功諭令  
免死。胡沙虎乃益其兵。令出戰。戒之曰。  
勝則贖罪。不勝斬汝。高琪出戰。自夕至  
曉。北風大作。吹石揚沙。不能舉目。**金**師  
大潰。**元**兵進圍燕京。○**金**術虎高琪還  
自師殺紇石烈胡沙虎。金主命暴胡沙

虎之罪。以高琪為左副元帥。

高琪戰敗。自度必為

胡沙虎所殺。乃以亂軍圍胡沙虎。第殺之。取其首請罪。金主赦之。

○**元**

取**金**涿州。○十一月**夏**人寇**金**會州。○

**元**徇**金**觀州。刺史高守約死之。○十二

月**夏**人陷**金**涇州。○**元**分兵徇**金**河北

河東。山東州郡多下之。時**元**主留怯台

及哈台次燕城之外。分所降楊伯遇劉

林漢軍四十六都統并達旦兵為三道。

命太子術赤察合歹。斡可歹。三人分將。

元分兵  
徇金河  
北河東  
山東州

郡多下之

循太行而南。攻河北河東諸州。時中原諸路之兵。金皆簽往山後一帶防遏。州郡無兵可守。悉簽鄉民為兵。上城守禦。元兵至。盡驅其家屬來攻。父子兄弟。往往遙相呼認。由是保州。中山。邢。洛磁。相。衛輝。懷。孟諸郡。皆不戰而降。元兵遂由真定威州趨黃河。大掠平陽太原之間。別將薄察等亦遵海而東。破灤。薊。大掠于遼西之地。而元主自將由中道破雄。

真德秀如金

漢清滄景獻。河間濱。棣。濟南等郡。引兵復自大口以逼中都。○真德秀如金賀即位。不至而復。

甲戌

七年

金貞祐二年。○太祖九年。夏光定。四春。

正月。章良能卒。○元徇金彰德府。知府

事黃暉九住死之。○元徇懷州。節度使

宋辰死之。○二月。金使完顏承暉乞和

于元。是時元主還自山東。次于中都城

北。金平章政事高琪言于金主曰。達旦

人馬罷病。當乘此一戰。承暉曰。不可。我軍雖在都城。家屬則居各郡。其人心去。留未可知。若出兵與戰。敗則俱散。勝則亦亡。社稷安危在此一舉。盍遣使議和。得彼出居庸關後。國乃可議耳。金主然之。乃遣承暉往乞和。且許以公主歸之。金銀繒帛各萬兩。疋元主許之。元使乙里只扎八如金納幣。元木華黎侵金遼西州縣。三月。召安丙同知樞密。

金人求  
歲幣弗  
與

院事。以董居誼為四川制置使。丙未至。改知潭州。金人來求歲幣。弗與。時以金有難。二年不遣歲幣。故來督之。起居舍人真德秀以為不宜與從之。元使乙里只扎八如金逆女。金以東海郡侯女歸之。是為公主。皇后命諸人納粟買官。元取金嵐州節度使烏古論仲溫死之。夏四月。金及元平。元主既成婚。乃出居庸北還。金主使承暉送之。

金以女  
歸元太

至麻池而返。遂以元允和大赦國內。元勢日強大。然止居故地。壤○**金**以僕散安貞為諸路宣撫使。時山東州縣多被兵燹。河東河北。惟真定清汾大名東平徐邳海數郡僅存。元兵既退。乃以安貞宣撫安集遺黎。○**金**尚書左丞相徒單鎰卒。時元兵退。金主將遷都于汴。鎰曰。鑾輿一動。北路皆不守矣。今已講和。聚兵積粟。固守京師。策之上也。南京四面

**金徒單鎰卒**

受兵。遼東根本之地。依山負海。其險足恃。備禦一面。以為後圖。策之次也。金主不從。鎰明敏方正。學問該貫。一時名士皆出其門。多至卿相。衛王之弒。元人之難。轉危為安。惟鎰是賴焉。○**元**置行尚書省于宣平。以撒沒喝領其事。○**元**木華黎徇**金**大定府。烏古論寅荅虎以城降之。木華黎進兵北京。金守將銀青帥衆二十萬。禦于花道而敗。入城固

**元木華黎徇金大定**

守。裨將完顏昔烈高德玉殺銀青。推寅  
荅虎為帥。寅荅虎遂舉城降。木華黎怒。  
欲坑其民。蕭阿先諫曰。遼西以北京為  
重鎮。當撫之以慰衆望。柰何坑之。木華  
黎乃止。以寅荅虎權北京留守。兀葉兒  
權兵馬帥府事。○**元**徇**金**霸州。守將史  
天倪。蕭勃迭帥所部降之。○五月**金**主  
遷都于汴。命平章政事完顏承暉奉太  
子以守燕。金主以國蹙兵弱。財用匱乏。

金主遷  
都于汴

不能守中都。乃遷于汴。諫者皆不納。遂  
與六宮啓行。○**元**王聞之。怒曰。既和而遷。  
是有疑心而不釋憾。特以解和為欺我  
之計耳。復圖南侵。○**金**主至良鄉。亂軍  
反。奉斫荅等為帥。降于**元**。秋七月**元**使  
明安帥師會之。遂同圍燕。金主之南遷。至良鄉。命護  
衛。亂軍原給鎧馬。悉復還官。亂軍怨之。  
遂作亂。殺其主帥索溫。而推斫荅及比  
涉兒。札刺兒三人為帥。北還。完顏承暉  
聞變。以兵阻蘆溝。斫荅擊敗之。軍聲既  
張。遂降于**元**。元主方怒**金**之南遷。遂遣  
明安援斫荅。斫荅合其兵以圍燕。京

○以鄭昭先簽書樞密院事○夏人請會師以伐金不報○八月金主召太子守忠于燕時元兵圍中都金主遣人召太子應奉翰林文字完顏素蘭以為不可平章术虎高琪曰主上居此太子宜從且汝能保都城必完乎素蘭曰完固不敢必但太子在彼則聲勢俱重邊隘有守則都城無虞昔明皇幸蜀太子實在靈武蓋將以繫天下之心也不從竟

金主召太子于燕

金李全寇山東

召太子太子既行中都益懼○夏人寇金慶原延安積石州○九月壬戌朔日有食之○冬十月元兵徇金順州勸農使王晦死之○元取金成州○十二月元兵徇懿州金節度使高閭山死之○金石天應以興中府降元○金張鯨以錦州降于元○嗣秀王師揆卒○金濰州紅襖賊李全寇掠山東州縣李全州北海農家子銳頭蠡目權譎善下人弓馬趨捷能運鐵鎗人為李鐵鎗其黨皆衣



紅衲與仲兄福俱然。

乙亥八年金貞祐三年。夏光定五年。春

正月詔舉將材。○以師禹嗣秀王師揆之弟

○夏人寇金環州。○金右副元帥蒲察

七斤叛自通州。以其師降于元。○金太

子守忠卒。○二月雷孝友罷。○金以抹

撚盡忠為平章政事。兼左副元帥。○金

僕散安貞討楊安兒。安兒敗死。其黨奉

安兒妹以掠山東。安兒妹四娘子狡獪善騎射。其衆尚萬餘。

○三月金夾谷石里哥斬劉二祖。餘黨

復推霍儀為帥。○安定郡王伯祝卒。○

夏五月金右丞相都元帥完顏承暉自

殺抹撚盡忠棄城南奔元。入燕。立行中

書省以守之。時燕京被圍。內外不通。平

章朮虎高琪居中專政。忌承暉成功。諸

將又皆顧望。雖屢遣援兵。而終無一人

至中都者。完顏素蘭上書備言高琪滅

亂紀綱。戕害忠良。不欲國家平治之罪。

金完顏承暉死節

請逐之。金主不能用。中都。被圍既久。承暉與盡忠會議。期同死社稷。盡忠不從。承暉怒。即起還第。然兵柄既皆屬盡忠。承暉無如之何。乃辭家廟。召左右司郎中趙思文。謂之曰。事勢至此。惟有一死以報國家耳。遂作遺表。付尚書省令史師安石書之。大畧論國家至計。及高琪姦狀。且謝不能終保都城之罪。從容若平日。盡出財物。召家人隨年勞多寡而

分給之。舉家號泣。承暉神色泰然。方與師安石舉白引滿。謂之曰。承暉於五經皆經師授。謹守而力行之。不為虛文。既被酒。取筆與安石訣。最後倒寫二字。投筆曰。遽爾謬誤。得非神志亂耶。謂安石曰。子行矣。安石出門。聞哭聲。復還問之。則知仰藥死矣。家人忽忽瘞庭中。是日暮。凡在中都妃嬪。聞盡忠將南奔。皆束裝至通玄門。盡忠給之曰。我當先出與

諸妃啓途。諸妃信之。盡忠乃與愛妾及所親者先出城。不復反。顧元兵遂入中都。吏民死者甚衆。宮室為亂兵所焚。火月餘不滅。元主在桓州。聞燕陷。遣使勞明安等。而輦其府庫之實北去。於是祖宗神御及諸妃嬪皆淪沒焉。盡忠行至中山。謂所親曰。若與諸妃偕來。我輩豈得至此。師安石奉承暉遺表至汴。贈尚書令。廣平郡王。謚忠肅。盡忠至汴。金

主誅之。○秋七月。以鄭昭先叅知政事。

曾從龍簽書樞密院事。○詔沂王嗣子

均更名貴和。○金改交鈔為貞祐寶券。

○八月。金命參知政事侯摯行中書省

于河北。○金置行省于陝西。行樞密院

于徐州。歸德府。元帥府于東平。益都。太

原潞州。行總管府于要害州縣。時盜賊所在蠶

起故也○九月。金定縣官募民進糧。遷官

令。司縣官能募民進糧五千石已上減一資考。萬石以上遷一官。減二資考。二萬

石已上遷一○**金**定敗敵功賞令謂有能率

衆復取中都者封○冬十月夏人寇**金**

王安延安陷臨洮○**金**命尚書左丞相

僕散端兼都元帥行省事于陝西樞密

副使僕散安貞行院事于徐州○**金**以

金以衍聖公為

衍聖公孔元措為太常博士金主以元

太常博士

措聖人之後山東寇盜縱橫恐罹其害

是使之奉祀而反絕之也故有是命○

賜張栻謚曰宣○**元**三合侵**金**潼關不

賜張栻謚

克遂自嵩山趨汴**金**人敗之乃還時**元**

主次魚兒灤遣三合拔都帥萬騎自西

夏趨京兆以攻潼關不能下乃由嵩山

小路趨汝州遇山礮輒以鐵鎗相鎖連

接為橋以渡遂赴汴京**金**主急召花帽

軍於山東元兵至杏花營距汴京二十

里花帽軍擊敗之**元**兵還陝州自三門

元攻潼關不克

析津乘河冰合布灰引兵渡還**金**人專

守關輔時**元**兵所向皆下**金**主遣使求

和元主欲許之。謂撒沒喝曰。譬如圍塲中獐鹿。吾已取之矣。獨餘一兔。盍遂舍之。撒沒喝不肯。遣人謂金曰。若欲議和。可去帝號稱臣。當封汝主為王。故議不成。○江東計度轉運副使真德秀論邊事。時金兩河已為元所殘毀。山東遼東。又為群盜所據。國勢既蹙。遂有南窺淮漢之謀。德秀上奏曰。金自南遷。其勢日蹙。達旦西夏東出潼關。深入許鄭。攻圍

真德秀  
論邊事

都邑。遊騎布滿山東。而金以河南數州之地。抗西北方張之師。加以群盜縱橫。叛者四起。危急如此。不亡何待。臣謹按國史。女直叛遼。在政和甲午。其滅遼也。在宣和己巳。而犯中原。即於是年之冬。今日天下之勢。何以異政宣之時。陛下亦宜以政宣為監。夫以皇皇鉅宋。八葉重光。至於政宣燕安湛溺之餘。紀綱蕩然。無一足恃。本根既撥。枝葉從之。於是

女直得以逞其凶殘。攻陷我都城。傾覆我社稷。劫遷我二聖。荼毒我蒸民。自開闢以來。夷狄之禍。未有若是之酷也。臣觀達旦之在今日。無異昔者女直方興之時。一旦與吾為鄰。亦必祖述女直已行之故智。蓋女直嘗以燕城歸我矣。今獨不能還吾河南之地。以觀吾之所處乎。受之。則享虛名而召實禍。不受。則彼得以陵寢為辭。仗大義以見攻。女直嘗

言制新  
虜當預  
圖以應  
之

與吾通好矣。今獨不能卑辭遣使。以觀吾之所答乎。從之。則要索亡厭。豈能滿其溪壑之欲。不從。則彼得藉口。以開釁端。黠虜之情。必出於此。不可不預圖以應之也。昔五胡之亂。江左麤安者。以群醜並爭。莫能相一。故吾得以媮旦夕之安。及符堅既滅。慕容旋啓吞晉之謀。元魏已併諸胡。遂萌飲江之志。今新虜鴟張。盡有河朔。楊劉群盜。人皆服從。臣恐

金主議  
南侵

五胡角立之勢。殊未可為江左苟安之計也。昔孫氏以區區之吳能當強大之魏者。其君臣能相與策勵也。今國家幅員萬里。帶甲百萬。江漢為池。豈下於吳。陛下任九廟之託。固不可付安危於度外。養成深患也。○十一月。以伯澤為安定郡王。○金以王世安為淮南招撫使。世安獻取肝胎楚州之策。遂以為招撫使。自是南侵之謀興矣。○夏人

寇金綏德。○元兵徇金彰德。知府陀滿

元殺張  
鯨

斜烈死之。○十二月。元兵徇金大名府

○元殺張鯨。鯨弟致據錦州反。元以張

鯨總北京十提領兵。從奪忽闌撒里必

南征。鯨懷反側。木華黎覺之。令蕭阿先

監其軍。至平州。鯨稱疾逗遛不進。阿先

執而殺之。鯨弟致憤其兄被害。乃殺長

吏。據錦州。自稱瀛王。改元興隆。遣兵徇

平灤。瑞利。義懿。廣寧等郡皆下之。木華

黎帥先鋒不花權帥吾也兒等軍討之。

州郡皆復降

丙子九年（金）貞祐四年。○（元）太祖十一年。○（夏）光定六年。春

賜呂祖謙謚

正月。賜呂祖謙謚曰成。○（元）取（金）曹州

○（金）立遂王守禮為太子。更名守緒。控

制樞密院事。○二月（元）圍（金）太原。○（金）

以胥鼎為尚書左丞。行省事于平陽。○

（元）取（金）霍山諸隘。○夏五月（金）以尚書

右丞侯摯。行省事于東平。○六月。張致

降（金）金以致行北京路元帥府事。○（金）

改宣撫為經畧使。○秋七月（金）侯摯斬

賊郝定（侯摯獲紅襖賊訊之。知其渠帥郝定僭號改元。已攻陷滕。充軍）

等州。有衆數十萬。官軍不能討。擊帥師進擊。誅之。○八月（金）定

僧道納粟補監寺威儀之令。○夏人寇

（金）安塞堡。○（元）徇（金）延安。及防代州。經

畧使奧屯醜和尚死之。○冬十月（元）取

（金）潼關節度使泥龐古蒲魯虎死之。○

（元）兵徇（金）汝州。○十一月（元）兵次于沔

池。○（金）右副元帥蒲察阿里不孫奔還。○



金御史  
臺言備  
禦不聽

十二月金以木虎高琪為尚書右丞相。時元人進兵至陝州。自關以西皆列營柵。連亘數百里。次嵩汝間。御史臺言敵兵踰潼關。峻沔深入重地。近抵西郊。彼知京師屯宿重兵。不復叩城索戰。但以遊騎遮絕道路。而別兵攻擊州縣。是亦困京師之漸也。若專以城守為事。中都之危。又將見於今日。况公私蓄積。視中都百不及一。此臣等所以寒心也。願陛

下命陝西兵扼距潼關。與阿里不孫為掎角之勢。選在京勇敢之將十數。各付精兵。隨宜伺察。且戰且守。復諭河北亦以此待之。高琪曰。臺官素不習兵。備禦方略。非所知也。遂止。高琪以元兵日逼。欲以重兵屯駐汴京。以自固。外郡殘廢。不復憂恤。金主惑之。以故國勢益衰。

元兵徇金平陽太原大名府。元木華黎圍錦州。殺張致。初木華黎以致兵精

致元殺張

且依嶮為阻。欲設竒取之。乃遣兀葉兒等別攻溜石山堡。且諭之曰。汝等急攻溜石。賊必遣兵往援。我出其不意。斷其歸路。可一戰擒也。又令蒙古不花別屯。永德縣西十里以伺之。賊聞溜石被圍。果以兵救之。蒙古不花以騎扼其歸路。且馳報木華黎。木華黎夜半引軍疾馳。比曙。抵神水與賊遇。而蒙古不花兵亦會。前後夾擊。大破之。賊遂奔潰。其監軍

金晉鼎  
敗元兵

高益縛致降。木華黎殺之。遼西平。○陳伯震如金。○金晉鼎會師敗元人于平陽。鼎聞元兵度潼關。即遣必蘭阿魯帶徒單百家帥兵萬五千。由便道濟河。以趨關陝。而自以精兵援汴京。○金主以其忠。拜左丞。遣還平陽。鼎慮元兵扼河。乃檄絳。解。隰。吉。孟。五州。經略司。相與會師。為夾攻之勢。及元自三門集津北渡。而還。至平陽。鼎敗之。○金人復取潼關。

丁丑十年金興定元年○夏光定七年春。

正月元徇金觀州○二月金造貞祐通

寶○陳伯震還自金金主謂之曰聞息

州南境有盜此乃彼界飢民沿淮為亂

耳宋人何故攻我蓋欲以為用兵之端

○元徇忻代州○金尚書省乞罷府州

學生廩給金主不許尚書省以軍儲不

廩給金主曰自古文武並用州府學生

道潤為中都留守兼經略使知中山府

金人分道南侵

○三月金以武仙權知真定府事○元

徇金霸州○夏四月金使烏古論慶壽

完顏賽不分道南侵至安昌王辛敗之

乃去詔江淮制置使李珣京湖制置使

趙方四川制置使董居誼便宜行事賽不

破宋兵于信陽隴山遂渡淮犯光州中

渡鎮執權場官盛允升殺之分兵犯樊

城圍棗陽光化軍至光山縣之安昌砦

為廬州鈐轄王辛所敗金人乃去自是

好絕宋金之○金以元帥左都監完顏寓行

府事督苗道潤等圖復燕京○金侯摯

伐金詔  
四方

使完顏寔敗霍儀斬之。其黨皆潰。○五月。復漣水縣。○**元**取**金**沔城。守將任福死之。○六月。以伐**金**詔四方。從趙方之請也。詔略曰。朕屬精更化。一意息民。犬戎跨我中原。天厭久矣。狐兔失其故穴。人競逐之。豈不知機會可乘。讎恥未復。念甫伸於信誓。實重起於兵端。若能立非常之勲。則亦有不次之賞。尚其聽命。朕不食言。○秋。七月。丙子朔。日有食之。

李全來  
歸

○嗣濮王不儔卒。○應純之使高忠皎沈鐸伐**金**圍泗州。及靈壁東海確山縣。○定遠民季先以李全來歸。高忠皎會其兵伐海州。不克。初李全聞楊安兒之因帥其黨歸之。四娘子因與私通。遂以為夫。至是季先見應純之道。山東豪傑願歸正之意。純之命。○九月。元徇**金**隰。沁州。太原。中山府。取磁。淄。濱。棣。博。沂州。○冬。十月。金以河南為中京。金昌府。○**金**命唐鄧蔡州行元帥府南侵。金主以

金命唐  
鄧蔡州  
南侵

宋遣兵數犯其境。及歲幣不至。將南侵。右司諫許古上疏曰。若能先遣使議和。則達旦聞之。亦將斂迹。豈宜用兵以益敵耶。金主即命古草議和。木虎高琪不從。蓋畏達旦之逼。專意南侵以避之。有所言皆不用。○十二月。募民納粟補官。軍興故也。○**元**徇**金**潞州。都統馬甫死之。○**元**取**金**密州。節度使完顏寓死之。○**元**取**金**益都府。○**金**阿鄰入湫池堡。

元太祖  
命木華  
黎經略  
太行以  
南

天水軍。遂據大散關。○李全襲**金**莒州。取之。李福取青州。福全之兄○**元**以木華黎為太師魯國王。經略山南。**元**主以木華黎功大。拜太師國王。承制行事。帥蕃漢軍攻掠城邑。且謂之曰。太行之北。朕自經略。太行之南。卿其勉之。木華黎乃自中都南攻。遂城及蠡州。皆下之。初。蠡州拒守。力屈乃降。木華黎怒。將屠其民。州人趙璿乞以身贖其母與兄。木華黎哀

而免之。蠡人得全活甚衆。○**元**圍**夏**興州。夏主遵頊出奔西涼州。○**元**哲別伐乃蠻。屈出律敗之。○**元**太子术赤伐烏思憾。哈納思帖良兀克失的迷火因亦兒于等部皆降之。

**戊寅**

十一年

金興定二年。○**元**太祖十三年。○**夏**光定八年。

以李全為京東總管

春正月。以李全為京東路總管。○以知楚州應純之節制京東忠義軍。純之見李全軍屢捷。密聞于朝。謂中原可復。史

金人南侵

彌遠鑿韓侂胄之事。不明招納。密敕江淮制置使李玘及純之慰接之。號忠義軍。就聽純之節制。○二月**金**人焚大散關。○**金**阿鄰入皂郊堡。王師死者五萬餘人。○**金**賽不圍隨州棗陽軍。○三月**金**訛可入先化軍。○**金**人焚湫池堡。○王逸帥四川忠義人復皂郊。追**金**阿鄰斬之。伐秦州。至赤谷而潰。○**金**烏古論長壽入西和州。夏四月。入成州及河池。

詔議和  
平禦戎  
三策

縣復侵大散關。興元都統吳政敗之。**金**人乃去。○五月。詔集議平戎禦戎和戎三策。○**金**黃擗阿魯答襲敗李全于莒州。○**夏**人寇**金**廊延。○**元**徇**金**錦州。**元**帥劉仲亨死之。○**金**賈瑀殺其中都經畧使苗道潤。**元**帥右都監張柔會師伐之。至紫荆關。遇**元**人與戰而敗。柔遂降。**元**以柔為河北都元帥。道潤素與副使賈瑀有隙。一日從數騎出。瑀伏甲射殺

之。遣使告張柔曰。吾已除道潤。而公正直。不以兵力黨惡人。吾深敬之。柔怒。叱其使還。白瑀曰。汝賊吾所事主帥。不即送死。乃敢以此言相戲耶。遂檄召道潤部曲。告以復讎之意。衆皆羅拜。推柔為長。柔方會兵趨中山。而**元**兵出自紫荆關。柔遇之。遂戰于狼牙嶺。柔馬跌。為**元**兵士所執。至軍前。見主帥明安。柔立而不跪。左右強之。柔叱曰。彼帥也。我亦帥

金張柔  
為親降  
元

也。大丈夫死即死。終不偷生為他人屈。明安壯而釋之。其潰卒稍稍來集。明安恐柔為變。質其二親于燕京。柔歎曰。吾受國厚恩。不意猖獗至此。顧忠孝不兩立。姑為二親屈。遂降。○**金**石州賊馮天羽敗死。其黨安國用降。以國用為同知孟州事。○秋八月**金**以李癘驢權中都路經略使。○**元**木華黎帥蕃漢亂軍自太和嶺徇**金**河東。遂取代州。隰州。○九

元徇金州郡

月安定郡王伯澤卒。○**元**木華黎取**金**太原府。元帥左監軍烏古論德升死之。取**金**汾州。節度使兀顏訛出虎死之。○李全復密州。獲**金**將黃摑阿魯答。夾谷寺家奴。○冬十月**元**木華黎徇**金**絳潞澤州。取平陽。行尚書省李革死之。時木華黎圍平陽。革禦之。兵少援絕。城遂陷。或謂革宜上馬突圍出。革嘆曰。吾不能保此城。何面目見天子。汝輩可去矣。乃

金李革死節



自殺○十一月**元**木華黎徇**金**潞州元

帥右監軍納合蒲刺都叅議官脩起居

注王良臣死之○十二月**金**使吕子羽

來求成至淮不納而去和金主欲乘勝議和宋不納由是

和絕好○**金**以僕散安貞為左副元帥○

**金**主使其太子守緒會師南侵○戶部

獻今年境內民數戶一十二百六十四

口二千八百三十七萬七千四百四十一

**已卯**十二年金興定三年○夏光定九年○元太祖十四年

春正月詔董居誼還以聶子述為四川

制置使○**金**人侵西和知州趙彥呐敗

之○**金**人焚成州○**金**人入鳳州夷其

城○**金**人侵隨均州信陽光化軍○**金**

人圍光濠滁州棗陽安豐軍○吳政及

**金**人戰于黄牛堡死之**金**遂侵武林關

二月權興元府事趙希昔棄城走○趙

方便扈再興救棗陽**金**完顏賽不敗走

先是棗陽圍急趙方語其子范葵曰朝

趙方主  
決戰敗

廷和戰之說未定。觀此益亂人意。吾策  
決矣。惟有提兵臨邊決戰。以報國耳。遂  
抗疏主戰。因親往襄陽。檄統制扈再興  
陳祥。鈐轄孟宗政。帥兵三萬救之。仍增  
戍光化。信陽。均州。以聯聲勢。申飭諸將。  
當遏於境上。不可使之入。而後拒之于  
城下。復上疏力陳不可和者七事。**金**人  
來自圖山。圖。淳。沿。反。勢如風雨。再興宗政祥  
分三陣設伏以待。既至。再興佯却。**金**人

逐之。宗政與祥合左右兩翼掩擊之。**金**  
人三面受敵。遂大敗而去。死者不可勝  
計。**金**人入興元府。大安軍張威敗之。  
乃去。**金**人以曾從龍同知樞密院事。兼江  
淮宣撫使。**金**以任希夷簽書樞密院事。  
希夷嘗從朱熹學。篤信力行。熹稱其開  
濟。為禮部尚書。以朱熹張栻呂祖謙皆  
已賜謚。而周惇頤程顥程頤張載尚未  
贈謚。乃上言四人為百代絕學之倡。乞

任希夷  
請贈周  
程張子  
謚

定議賜謚。朝廷從之。○**金**人入洋州。四川制置使董居誼自利州逃歸。○趙方使扈再興伐唐鄧州。○**夏**人以書請會師以伐**金**。詔利州安撫使丁焞許之。○三月。以鄭昭先知樞密院事。曾從龍叅知政事。○**金**人焚洋州。○閏月**金**命權中都經畧使李癘驢治雄霸以東。權中都西路經畧使靖安民治易州以西之地。○賈涉使李全救淮西。大敗**金**人于

化湖陂。又敗之于曹家莊。安豐軍滁光濠州圍皆解。詔加全廣州觀察使。○**金**完顏賽不復圍棗陽。○**金**僕散安貞自盱眙退師。○興元卒張福等作亂。夏四月。陷利州。四川制置使聶子述出奔。福遂掠閬果州。○曾從龍罷。○復以安丙為四川宣撫使。張福作亂。四川大震。張方。魏了翁。移書宰執。謂安丙不起。則賊未即平。蜀未可定。雖賊亦曰須安相公。

作宣撫事。乃定耳。會詔丙為宣撫。蜀民心始安。○**金**築汴京裏城。初，木虎高琪請築。金主曰：「此役一興，民滋病矣。」高琪固請築之。既而金主慮擾於民，募人能致甓五十萬者，遷一官；百萬升一等。於是平陽判官完顏阿剌左廂譏察霍定和發蔡京故居，得二百萬有奇。准格遷賞。金主一日問曰：「人言此役恐不能就。」高琪曰：「苟防城有法，正使兵來，臣等愈。」

金築汴京裏城

張柔名震河朔

得效力。金主曰：「與其臨城，曷若不令至此為善。」高琪無以對。○**元**張柔取**金**雄易安。保州次于滿城。○**金**武仙會師伐之。敗績。柔遂圍中山府。○**金**河東北郡縣多降之。柔帥兵南下，猶不忘苗道潤之讎，必欲誅賈瑀。而瑀據孔山臺，柔攻之。瑀窮乃降。柔縛瑀，剖心以祭道潤。時人義之。遂引兵次于滿城。武仙會師禦之。既敗，柔遂圍中山府。仙遣其將葛鐵鎗與

柔戰于新樂。飛矢中柔頷。落其二齒。柔拔矢以戰。葛鐵鎗大敗。死者數千人。由是深冀以北。鎮定以東。三十餘城。望風降附。柔之威名。震于河朔。○五月。張福陷遂寧府。及普州。六月。安丙討福。誅之。○權知棗陽軍孟宗政大敗金人于城下。追至鄧州而還。先是金人圍棗陽。孟宗政固守。相持者九十日。扈再興夜以鐵蒺藜密布地。黎明佯遁。金人馳逐中。

孟宗政  
大敗金人

蒺藜者。十踏七八。遂却走。再興追至十五里岡。已而金人薄城東南隅。再興與宗政縱之涉濠。半渡擊之。又令守垣者佯走。金人爭垣。因急擊之。金人多墮水中。金人計無所施。忿甚。周城開濠。四面輕兵列濠外。飛鋒鏑以絢鈴。自警鈴響。則犬吠。宗政募壯士乘閒突擊。金人不能支。盛兵日薄城。宗政隨方拒之。金人屢敗。愈怒。戰益力。會王大任帥銳卒冒

一時名將循吏

重圍轉闖而進。內外合勢。軍聲大振。自  
晡至三更。金尸橫野。訛可棄旗甲輜重  
而走。宗政等追之。又敗之于范家莊。擒  
獲不可勝計。自是再興宗政等。日與之  
戰。遂破之。追至鄧州而還。金自是不敢  
窺襄漢。中原遺民來歸者以萬數。宗政  
發廩贍之。給田。剏屋與居。籍其壯者號  
忠順軍。俾出沒唐鄧間。宗政由是威名  
振于境外。金人呼為孟爺爺。信賞必罰。

好賢樂善。為一時名將循吏云。○嗣濮

王不嫖卒。○丁焞復以書約夏人以伐

金。○秋七月。李全復齊州。○八月。元取

金武州。判官郭秀死之。○元取金合河。

縣令喬天翼死之。○金中山治中王善

殺權知府事李仲以叛。○九月。以李大

東為沿江制置使。趙善湘主管淮西制

置司公事。賈涉主管淮東制置司公事。

兼節制京東河北路軍馬。罷江淮制置

元太祖  
伐西域  
諸國

司○**元**徇**金**東勝州。節度使伯德容哥  
死之○**元**木華黎次師于單州○**元**主

伐西域諸國○張林以**金**山東諸郡附

李全來歸。詔以林為京東安撫使○冬

十二月。四川宣撫司復洮州○詔諸將

議伐**金**。及招諭中原豪傑○趙方使扈

再興許國。孟宗政分道帥師伐**金**以趙方

趙方遣  
諸將伐  
金

人屢敗。必將同時並攻。當先發以制之。  
乃遣再興等帥師六萬分道而進。國宗  
政東趨唐州。再興西趨鄧州。戒之曰。毋  
深入。毋攻城。毋潰其保甲。燬其城砦。空

其資糧○李全襲泗州。不克而還○**金**

尚書右丞相术虎高琪有罪伏誅。高琪

自執政。專固權寵。擅作威福。惡儒喜吏。

務行苛察。與平章政事高汝礪相倡和。

力勸金主南侵。置河北于意外。凡精兵

皆集河南。苟且歲月。不肯輒出一卒。以

應方面之急。至是使奴賽不殺其妻。因

歸罪于賽。不而殺之。以滅口。事覺。金主

久知其姦。下琪于獄。殺之○**元**伐高麗

金高琪  
伏誅

高麗王暉降之

庚辰十三年

金興定四年。元大祖十五年。夏光定十年。

春正月。扈再興圍鄧州。金人救之。乃還。

○孟宗政敗金人于湖陽。獲趙興兒。

許國伐唐州。不克而還。○以不凌為嗣。

濮王。○夏人復以書來議伐金。○金以

武仙遙領中都留守。○三月。金以高汝

礪為尚書右丞相。平章政事胥鼎致仕。

○金紅襖賊于忙兒襲海州。據之。○夏

孟宗政  
敗金人

四月。賈涉招諭豪傑于山東兩河。○元

徇金孟州。○金封王福移刺衆家奴。武

仙。張甫。靖安民。郭文振。胡天作。完顏開

燕寧。九人為郡公。並兼宣撫使。分河北

山東地以隸之。○五月。元徇金隰州。充

州。泰定軍節度使兀顏畏可死之。○六

月。賈涉誘漣水軍忠義副都統季先殺

之。其下奉石珪為帥以拒命。李全自化

有輕宋諸將之心。以季先威望出已上。陰結賈涉所任吏莫凱。使譜先欲反。涉



元木華  
黎取金  
大名府  
等州

信之。乃以計。○元楊在取金大名府。開

州及東明長垣縣。○元木華黎取金嵐

州絳州。遂侵河中府不克。○秋七月金

使烏古論仲端如元求成。○八月金嚴

實據青崖峒。以魏博恩德懷衛開相等

郡來歸。李全遂會張林襲東平。敗績。乃

還。○張林侵金滄州。王福以城降。○皇

太子詢卒。○安丙使王仕信帥師

會夏人以伐金。○復海州。以徐晞稷知

州事。○夏人陷金會州。○金遣使如夏

行成。○元木華黎次師滿城。金恒山公

武僊以真定降之。木華黎以史天倪權

知河北西路兵馬事。武僊副之。木華黎

至滿城。使蒙古不花將輕騎三千出倒

馬關。適武僊遣葛鐵槍攻臺州。蒙古不

花與之遇。葛鐵槍戰敗。武僊度力不能

支。遂舉城降。史天倪說木華黎曰。今中

原已麤定。而大兵所過猶縱鈔掠。非王

元木華  
黎下真  
定

元木華  
黎陷濟  
南寺府

者弔民伐罪之意也。且王為天下除暴。豈可效他軍所為乎。木華黎善之。即下命禁剽掠。遣所俘老幼。軍中肅然。州郡聞之。咸爭降附。○九月夏人圍金鞏州。王仕信帥師會之。不克。遂還。○夏人陷金定西西寧州。○元使塔忽如金。○冬。十月金封紅襖賊帥時青為滕陽公。○十一月元木華黎入金濟南府。嚴實以彰德大名府磁洛恩博滑濟州降之。木

華黎以實權濟南等路都總管。木華黎既戢士卒。州郡悅降。遂以輕騎入濟南。嚴實上謁於軍門。挈所部三府六州戶三十萬以降。○元木華黎圍金東平府。時金兵二十萬聚于黃龍岡。聞木華黎在濟南。衆未大集。遣步卒二萬襲之。木華黎迎戰。金兵敗。木華黎遂薄黃龍岡。金兵盛列于城北。木華黎麾蒙古漢軍下馬短兵接。金兵又大敗。溺死于河者

元太祖  
克西域

以萬數。木華黎遂陷黃龍岡。進取楚丘。由單州趨東平圍之。○元主克斡脫羅兒城。先是元主入西域避暑于也兒的石河。至秋進兵所過城皆下。至斡脫羅兒城留二太子圍之。而自與四太子別攻城降之。○元耶律楚材進。庚午元歷楚材。遼東丹王突欲八世孫。而金尚書右丞履之子也。貞祐三年為中都行省員外郎。中都陷遂降于元。元主有一天

下之志。嘗訪遼宗室。召楚材謂之曰。遼金世讎。吾為汝報之矣。楚材對曰。臣祖父以來嘗北面事之。既為臣子。豈敢復懷二心。讎君父耶。元主重其言。命處左右以備訪問。楚材通術數之學。尤邃于太玄。時從元主征西域。次于尋斯干城。楚材以金大明歷不應。製庚午元曆上之。元主以楚材明天文之占。屢有問莫不竒中。故每征伐必令楚材預卜吉凶。

元主亦燒羊胛反古狎骨以符之。然後行  
○十二月。石珪以其衆叛降于元。賈涉  
命李全併將漣水忠義軍。元以珪為元  
帥。元木華黎以嚴實權山東西路行  
省。唆魯忽禿帥師次于東平。金兵固守  
東平不下。木華黎謂嚴實曰。我料東平  
糧盡。必棄城去。若然。汝即入城綏輯安  
慰之。勿苦郡縣以敗大事也。又謂千戶  
撒而塔曰。東平破。可命嚴實。石珪。分城

內南北以守之。遂北還。金易水公靖  
安民為其下所殺。金復故主東海郡  
侯永濟為衛王。○得恭膺天命寶。鎮江  
副都統翟朝宗。得于金師也。

得恭膺  
天命寶

辛巳

十四年

金興定五年。夏光定十一年。元太祖十六年。

○春正月。李全襲金泗州。入其西城。二  
月。金紇石烈牙吾答來救。全敗乃還。○  
金會師于蔡州。以南侵。僕散安貞遂圍  
光州。詔准東京湖諸路禦之。三月。金人

入黃蘄州而去。扈再興敗之于天長鎮。

夏四月。李全大敗之于淮上。○**金**東莒

公燕寧及**元**戰。寧敗死。○五月甲申。朔。

日有食之。○**元**取**金**東平府。命嚴實。石

珪分治之。○六月。詔立沂王嗣子貴和

為皇太子。更名竑。封祁國公。帝以國本

未立。命選太祖後十五歲以上者。教育

宮中。如高宗擇普安王故事。○以太祖

十世孫與莒為秉義郎。與莒。燕懿王德

立貴和為皇太子

以與莒為秉義

郎賜名貴誠

之子也。家于紹興山陰縣。母全氏。初慶

元人。余天錫為史彌遠器。重之。彌遠在相

愿絕不預外事。彌遠器重之。彌遠在相

位久。以帝未有儲嗣。而沂靖惠王近屬

亦未有後。欲借沂王置後為名。陰擇宗

室中可立者。以備皇子之選。會天錫告

還鄉秋試。彌遠密語之曰。今沂王無後。

宗子賢厚者。幸具以來。天錫避雨。保長

越西門會天大雨。過全保長。避雨。保長

知其丞相館客。具雞黍甚肅。須臾有二

子侍立。天錫異而問之。保長曰。此吾外

孫趙與莒。與莒也。日者嘗言二兒後當

極貴。天錫因憶彌遠言。及還臨安。以告

之。遂召見。彌遠善相。大奇之。遂留與莒

天錫母朱為沐浴。教字禮度。益閑習。及

貴和立為皇子。乃補與莒秉義郎。年十

七矣。與莒疑重寡言。潔脩好學。每朝叅

待漏。他人或笑語。與莒獨儼然。出入殿

庭。矩度有常。見者。○秋七月。以賈涉為

欽容。彌遠益異之。○淮東制置使。○八月。任希夷罷。以宣繒

同知樞密院事。俞應符簽書院事。○京

湖制置大使趙方卒。方病革曰。未死一

日。當立一日紀綱。及卒。人皆思之。方少

從張栻學。初知青陽縣。告其守史彌遠

曰。催科不擾。是催科中撫字。刑罰無差

是刑罰中教化。人以為名言。○趙方守襄

戰為守。合官民兵為一體。通制總司為

一家。許國以忠。應變如神。隱然有尊祖

折衝之境。故金人擾邊。淮蜀大困。而京

西一境。獨全。能用名。如陳。咳。游。九。功

輩。皆拔為大吏。扈再興。孟宗政。皆自土

豪。推誠擢任。致其死力。卒為良將。故能

藩屏一方。使朝廷無北顧之憂。諸子范葵最顯。○以與莒為右

監門衛大將軍。賜名貴誠。○加貴誠果

州團練使。○元主圍西域塔里寒寨。元

主住夏於西域速里壇可汗避暑之地。至秋分。遣大太子。二太子。三太子率右軍攻玉龍傑赤城。四太子攻也里尼沙兀兒馬魯察葉可馬魯昔刺思等城。而

趙方卒

元太祖圍西域

立貴誠  
為沂靖  
惠王後

自將兵踰鐵門關以攻迭里密及班勒  
紇城皆克之遂圍塔里寒寨○九月立  
貴誠為沂靖惠王柄後○冬十月復滄  
州○復以齊州為濟南府兗州為襲慶  
府○**夏**人復以書乞會師伐**金**○**金**太  
醫侯濟張子英除名金主孫疾二人用  
藥瞑眩孫不能任遂死有司論二人當  
誅金主曰濟等所犯誠宜死然以朕孫  
故而殺人所不忍也杖七十除名○**元**

安丙卒

木華黎伐**夏**夏人以師會之遂取**金**葭  
州徇綏德州十一月圍延安府木華黎  
以城池堅深猝不可拔乃留軍圍之而  
自將兵南攻洛川鄜州○**夏**人寇**金**定  
西積石州○師焚穎州○**元**入**金**潼關  
○四川安撫使安丙卒詔知成都府崔  
與之為四川制置使盡護蜀軍丙在四  
川以攻為守武功甚著朝廷賴之及卒  
詔與之盡護四蜀之師與之開誠布公

張林叛  
降元

拊循將士。人人悅服。軍政復立。○張林以京東叛降于元。元以林為山東東路都元帥。李福自膠西逃歸。○十二月。鄭昭先罷。○閏月。苟夢玉如元。○金更作興定寶泉。○元侵金。鄜州節度使完顏六斤女奚烈資祿都監紇石烈鶴壽。蒲察婁室死之。○元木華黎取金坊州。遂徇隰吉州。○元使阿合赤孫來。○元速不斛敗欽察部于玉峪。解多反

壬午十五年

金元光元年。夏光定十年。○元太祖十七年。

○春正月。庚戌朔。受恭膺天命之寶于大慶殿。大赦。○二月。李全復泗州。○金完顏訛可特全南侵。至固始而去。夏五月。次于淮。師襲敗之。○金人誅時全。○進封皇子祁國公。竑為濟國公。以沂王嗣子貴誠為邵州防禦使。竑好鼓琴。史彌遠買美人善鼓琴者納諸竑。而厚撫其家。使聞竑動息。美人知書慧黠。竑嬖之。

封竑為  
濟國公



時楊皇后專國政。彌遠用事久。宰執侍從。臺諫藩閫。皆所引薦。莫敢誰何。權勢熏灼。竑心不能平。嘗書楊后及彌遠之事于几上曰。彌遠當決配八千里。又嘗指宮壁輿地圖。瓊厓曰。吾他日得志。置史彌遠於此。又嘗呼彌遠為新恩。以他日非新州。則恩州也。彌遠聞之大懼。思以處竑。而竑不知。竑音宏真德秀時兼宮教。諫竑曰。皇子若能孝於慈母而敬大

臣。則天命歸之矣。否則深可慮也。竑不聽。德秀因力請外而去。一日彌遠為其父浩飯僧淨慈寺。與國子學錄鄭清之登慧日閣。屏人語曰。皇子不堪負荷。聞後沂邸者甚賢。今欲擇講官。君其善訓導之。事成。彌遠之坐。即君坐也。然言出於彌遠之口。入于君之耳。若一語泄者。吾與君皆族矣。清之曰。不敢。乃以清之兼魏忠憲王府大小學教授。清之日教

史彌遠  
使鄭清  
之教貴  
誠

貴誠為文。又購高宗御書俾習之。清之上謁。彌遠即以貴誠詩文翰墨示之。譽之不容口。彌遠嘗問清之曰。吾聞皇姪之賢已熟。大要竟如何。清之曰。其人之賢更僕不能數。然一言以斷之曰。不凡。彌遠領之再三。廢立之意益決。乃日媒藥竝之失言于帝。覬帝廢竝而立貴誠。而帝不悟其意。○元木華黎以田雄權元帥府事。及合丑帥師戍于隰吉。翼等

元太祖克塔里寒寨

州○知濟南府種贇伐青州。張林敗走。李全入城據之。○六月。俞應符卒。○元主克塔里寒寨。遂屠茂里城。大掠忻都而還。○元木華黎取金牛心寨。知吉州。楊貞死之。時金於牛心寨僑治。吉州事。木華黎自隰州攻之。知州楊貞令妻孥先墜崖已從之。皆死。木華黎入寨。留兵守之而去。且使蒙古不花引遊騎出秦隴以為聲援。○秋。七月。元木華黎徇金青龍堡。平陽公胡天作降之。木華黎遂趨關中。使蒙古不花守京兆。

以備潼關。按察兒次于晉安冀州之境。  
○九月。彭義斌帥師復京東州縣。嚴實  
將晁海以青崖峒降。以宣繒參知政事。  
程卓同知樞密院事。薛極簽書樞密院  
事。○冬。十月。元木華黎取金河中府。以  
石天應權河東南北路陝右關西行臺  
○金王庭玉復曹州。殺元石珪。○十一  
月。元木華黎徇金同州。節度使李復亨  
完顏訛可死之。○元木華黎徇金鳳翔

加李全  
節鉞

府。○赦京東河北路。以其新復故也。○  
十二月。以李全為保寧軍節度使。京東  
河北鎮撫節制司副使。初。李全每立戰  
功。史彌遠輒欲加以官。賈涉以為不可。  
及加節鉞。涉歎曰。朝廷但知官爵可以  
得其心。寧知驕則將至於不可勸耶。○  
元主滅回回國。其王走死。元主遂進次  
于印度國鐵門關。侍衛見一獸。鹿形馬  
尾。綠色而獨角。能為人言。謂之曰。汝主

天遣角  
端示元  
太祖

宜早還。元主怪之。以問耶律楚材。楚材對曰。此獸名角端。日行一萬八千里。解四夷語。是惡殺之象。今大軍征西。已四年。蓋上天惡殺。遣之以告陛下。願承天心。宥此數國人命。實陛下無疆之福。元主即日班師。

**癸未**

十六年

金元光二年  
乾定元年

夏獻宗德  
元太祖十

八年春正月。嚴賊吏法。○**金**侯小叔復

河中府。殺石天應。元木華黎復取之。○

元木華  
黎卒

二月。嗣秀王師禹卒。○三月。元大師魯

國王木華黎卒于解州。木華黎自河中

府帥師還。行至解州。聞喜縣。疾篤。謂弟

帶孫曰。我為國家助成大業。干戈垂四

十年。無復遺恨。所恨者汴京未下耳。汝

等勉之。言訖而卒。年五十四。木華黎雄

勇善謀。與博爾朮。博兒忽。赤老溫。俱以

忠勇事元主。元主號為撥里班。曲律。猶

中國言四傑也。元主軍嘗失利。會天大

元之四  
傑

雪失牙帳所在。卧草澤中。木華黎與博爾朮張檀蔽之。自暮達曉。竟不移足。博爾朮從元主征伐。立功甚多。每警夜。則元主安枕。極見親遇。位終右萬戶。贈太師。廣平王。博兒忽從元主身更百戰。竟死于陣。位終第一千戶。赤老温功業與三人者等。然中原之功。木華黎為第一。四人之子孫皆領宿衛。號四怯薛。出宮則為輔相焉。○夏五月元初置達魯花

元置達魯花赤  
監治郡縣

賈涉卒

赤監治郡縣元主循辛目連河而上。命三太子幹可歹循河而下。至昔思丹城降之。遂留住夏于八魯灣川。分兵攻諸部落之近者。悉下之。至可温寨。與諸將會。以西域漸定。置達魯花赤於各城。監治之。振旅東還。所過皆附。○苟夢玉還自鐵門關。○金作元光重寶。元光珍貨。○六月。程卓卒。○淮東制置使賈涉卒。以丘壽邁攝制置司公事。涉以李全驕

暴難制。力求還朝。在道卒。○秋七月夏  
人寇。金積石州。○八月金納合六哥殺  
行省蒙古綱。據邳州以叛。李全帥師會  
之。不克進。乃還青州。○金行院總帥牙  
吾答討六哥。殺之。復邳州。○九月庚子  
朔。日有食之。○冬十二月。嗣濮王不凌  
卒。○以許國為淮東安撫制置副使。兼  
知楚州。初國為淮西都統。奉祠家居。欲  
傾賈涉而代之。因數言李全必反。涉卒。

會召國入對。國即上疏極言全姦謀益  
深。反狀日著。遂有是命。○金主珣卒。太

子守緒立。

金主疾革時已暮夜近侍皆出惟前朝資明夫人鄭氏以

年老侍側金主知其可託謂之曰速召

太子主後事言絕而卒夫入秘之是夕

后妃問安寢閣麗貴妃陰狡機慧常以

其子英王守純年長不得立懷怨夫入

鄭氏恐其為變即給之曰上方更衣后

妃可少休他室伺其入遽鑰之急召大

臣傳遺詔立皇太子守緒始啓戶出后

太子知之。分遣樞密院官及東宮親衛

軍官移刺蒲阿集軍三萬餘于東華門

街部署既定命護衛四人監守純于近

繼天興統。述道勤仁。英武聖孝。皇帝廟號宣宗。卒年六十一。

**史臣贊曰** **金** 宣宗在位。孜孜以繼述

世宗為志。勤政憂民。形於言色。然而

境土日蹙。盜賊群起者。良以性本猜

忌。崇信誓御誓與媒通音薛獎用吏胥。苛刻

成風。舉措失當。任相非人。臨事寡斷。

南開宋衅與釁同西啓夏侮。捐棄中原。

招來多敵。其淪胥以亡。宜哉。

**元** 伐夏。夏主遵頊傳國于其子德旺。自

號上皇。 **元** 速不斛多改反 滅欽察斡

羅思撒里等部。大掠西蕃邊部而還。

**甲申** 十七年金哀宗守緒正。大元年。夏乾定二年。元太祖十

九年。春正月。錄程頤後。 **○** 召崔與之為

禮部尚書。以鄭損之為四川制置使。與

之辭不拜。與之治蜀。將士輯睦。府藏克

實。至是以疾歸廣州。蜀人肖其像而祠

焉。 **○** **金** 高汝礪卒。汝礪循默固位。金主

立。諫官乞黜之。金主曰。汝礪先帝所立。

金主不  
殺草萊  
直言

以為相者。又可黜耶。又有男子服衰麻  
望承天門。且笑且哭。有司詰之。則曰。吾  
笑。笑將相無人。吾哭。哭金國將亡。群臣  
請寘重典。金主曰。近詔草澤直言。今雖  
譏訕。不可殺也。唯以君門非笑哭之所。  
杖而遣之。○**金**以張行信為尚書左丞  
行信初為參政。惡高琪之專。每裁抑之。高琪忌而出之。至是復召用。○**金**  
使李唐英來輸平。○秋。七月。以師崑嗣  
秀王。○八月。帝有疾。史彌遠矯詔立沂

帝崩

史彌遠  
矯詔立  
貴誠為  
帝

王嗣子貴誠為皇太子。更名昀。閏月。帝  
崩于福寧殿。昀即位。尊皇后曰皇太后。  
垂簾同聽政。封皇子濟國公。竑為濟陽  
郡王。出判寧國府。先是丙戌。帝不豫。史  
彌遠遣鄭清之往沂王府。告貴誠以將  
立之意。貴誠默不應。清之曰。丞相以清  
之從游之久。故使布腹心。足下不答以  
一語。則清之將何以復命于丞相。貴誠  
始拱手徐言曰。紹興老母在。清之以告



彌遠益相與歎其不凡。及帝崩。彌遠遣皇后兄子谷石。以廢立事白后。后不可。曰。皇子竑。先帝所立。豈敢擅變。谷等一夜七往返。后終不許。谷等乃拜泣曰。內外軍民皆已歸心。苟不立之。禍變必生。則楊氏無噍類矣。后默然良久。曰。其人安在。彌遠即於宮中遣快行宣昫。令之曰。今所宣是沂靖惠王府皇子。非萬歲巷皇子。苟誤。則汝曹皆處斬。皇子竑時

聞帝崩。跣足以需。宣召久而不至。乃屬目墻壁間。見快行過其府而不入。疑焉。已而擁一人徑過。天暝不知為誰。甚惑之。昫入宮見后。后拊其背曰。汝今為吾子矣。彌遠引昫至樞前舉哀畢。然後召竑。竑聞命即赴。至則每過宮門。禁衛拒其從者。彌遠亦引竑至樞前舉哀畢。引出帷殿。帥夏震守之。遂召百官立班聽遺制。則引竑就舊班。竑愕然曰。今日之

遵孝宗  
宮中行  
喪三年

事。我豈當仍在此班。震給之曰。未宣制以前當在此。宣制後乃即位耳。竑以為然。已而遙見殿上燭影中。已有人在御座。則昀已即位矣。宣制畢。閣門宣贊呼百官拜舞。賀新皇帝即位。竑不肯拜。夏震捽其首下拜。遂稱遺詔以竑為開府儀同三司。進封濟陽郡王。詔遵孝宗故事。宮中服喪三年。

**陳桎按史臣曰**寧宗恭儉守文。初年

以舊學輔道之功。召用宿儒。引拔善類。其政可觀。中更韓侂胄。內蓄群姦。指正為偽。外挑強鄰。流毒海甸。函首求成。國體虧矣。及史彌遠擅權於外。楊后竊政於內。帝拱默不能自強。惜哉。

**新安胡氏曰**立貴誠而殺濟王。殆非寧宗之意也。吁。宋一代家法最正。諸后最賢。傳授最明。至寧宗之末。楊后

彌遠之惡。濟邸之死。理宗之立。而後所謂家法之正。后德之賢。傳授之明。遂掃地矣。猶撐拄五十年而後亡。不可謂非幸也。

封濟王  
出居湖州

封兄濟陽郡王。竑為濟王。出居湖州。○九月。召傅伯成為顯謨閣學士。楊簡為寶謨閣直學士。柴中行為右文殿脩撰。並奉朝請。伯成簡辭不至。帝既立。史彌遠欲收衆望。勸帝褒表老儒。於是帝謂

帝褒表  
老儒

宰輔曰。傅伯成。楊簡。皆先朝耆舊。朕所簡記。可召赴行在。故有是命。○以禮部侍郎程瑛。吏部侍郎朱著。戶部侍郎陳德剛。中書舍人真德秀。並兼侍讀。工部侍郎葛洪。起居郎喬行簡。宗正少卿陳貴誼。軍器監王暨。並兼侍講。初。德秀為起居舍人。兼宮講。言事不避權貴。且卷卷於復讎。時史彌遠方以爵祿縻天下士。德秀慨然謂劉燾曰。吾徒須急引去。

召用真  
德秀魏  
了翁

使廟堂知世亦有不肯為從官之人。遂

力請外。至是自知潭州召還入對。勸帝

容受直言。召用賢臣。固結人心為本。帝

開納之。德剛。伸也。○以真德秀為禮部侍

郎。兼直學士院。魏了翁為起居郎。開禧

翁以武學博士召試學士院。對策。諫。開

邊事。御史徐相劾其狂妄。遂以親老出

知嘉定府。及史彌遠用事。力辭不至。築

室白鶴山下。以所聞於輔廣李燔者。開

門授徒。士爭負笈從之。由是蜀人盡知

義理之學。及為潼川轉運判官。上疏乞

與周惇頤。程顥。程頤。張載。錫爵定謚。示

學者趣向。與任希夷合。朝廷從之。至是

追封本  
生父母  
為王

進起居舍人○追封宗室希璪為榮王。

妻全氏為國夫人。以其子與芮襲封奉

祀。帝之本生也。○冬十月。嗣秀王師岳卒

○夏及金平始用敵國禮於金稱弟而

不臣。各用本國年號。○十一月。以葛洪

同簽書樞密院事

資治通鑑節要續編卷之二十

書